

[www.BibleForChildren.org](http://www.BibleForChildren.org)



# Génesis 6



Ji 'i thi ku ' en Noé, naa xii jian ko  
xru ' in thi jian ' a banche ' e  
ngayee chujni bechon are mee,  
ko banche ' e thi baketu ' an Ndo  
Dio. Ko Ndo Dio bikon Ndo ixin  
ngata ' a nunthe, juxon thi  
jian ' a banche ' e na, . . .




. . . mexinxin ndachro Ndo ngain Noé:  
«Ja ' an sinthatjaan kain thi jichon,  
ixin nguixin nunthe ndakunchrintho na  
ixin thi jian ' a nche ' e na, ko  
sinthatjaan kain thi jichon ko  
sinthaxanthe kain thi jita ' a  
nunthe.»



«Nchechjian naa barco kunixin nthaa gofer  
ko theyexin kunixin chingo saruthe  
ngaxinxin ko ndujaxin ko nchechjian  
nchiachjan ngaxi ' in.»






«Ko ja ' in  
sinchechjian: Naa renkia  
ko kan ko thena ' o metro  
jininxin, ko kan ko yoo ko  
rio ' o metro tunxin ko  
thenii metro nuinxin.»




«Ko thenchji ' an kain thi  
sine kuxiigo ko thi sinthe  
ra ja ' a ra ngaxi ' in  
barco.»




«Kai xranxi ' in ngain barco kain kuxiigo, naa kuda ' a ko  
naa kuna ' a ixin sinthegechon ba.»



«Ko ngakjan kain kuxiigo ndachrjan nchao sinthe ra,  
tse yaato kuda ' a ko yaato kuna ' a yoo ko yoo  
ku xraje ' o. Ko kain ku icha tse ra naa kuda ' a  
ko naa kuna ' a kai yoo ko yoo ku xraje ' o.»








Ko Noé bixi ' in ngain  
barco je ' e ko kain  
xe ' en ko chri ' i ko  
kain nchri deinde ' e.





Ko are bechunda Noé inkjaon  
renkia nano, ngain kunithjao  
yuxin ko theyaato ncha ' on,  
chrindo ' o jinda chringi  
ndachaon ko chrintaon thi  
jike ' e nda, ko xiree ngajni.





Ko bania chrin ngata ' a nunthe yoo  
kan ncha ' on ko yoo kan thie.



Ko jinda thinga kuyee  
nda ngata ' a nunthe ko  
barco tajitau ' en nda.



Ko jinda anto kuyee nda ko tabitjangi kain jna icha yeye  
jii ngata ' a nunthe. Ko kain thi be ' e ngata ' a nunthe ko  
bechon ndabe ' en.



Kuthimejan xraxaon Ndo Dio ixin Noé ko  
kain kuxiigo bixinka ' o Noé ngain barco,  
ko binchegatho Ndo naa chrintho suji  
ngata ' a nunthe ko jinda kuexi ' in  
xinkajin nda.





Kuthimejan rua ' an naa  
kuxentha ixin rugikunxin a  
uxema nunthe, aro kuxentha  
bira ' a ba thinoo rukenta ' a  
ruthee ba ixin nunthe xra  
jichrethe ' e jinda, ko kjan ba ngain  
Noé ko kuinxe raa ko tse  
ba ko xranxi ' in ba  
ngain barco.





Ko ngain kunithjao yuxin ko ngain ncha ' on kan ko  
yaato juexin xema nunthe. Kuthimejan Ndo Dio  
ndachro Ndo ngain Noé: «Dachrjexin  
ngain barco, ja ' a, chri ' a, xa ' an  
ko nchri deinda ' a.»





Ko Noé binchechjian gi ' i jitangi ko nthi ' a kjuaga  
kuxiigo ngata ' a, ixin  
binchendusen ngain  
Ndo Dio, kuxiigo  
bajon Ndo juachaxin  
ixin nchao sine ni ko  
sinchendusen ni ngain Ndo.





«Ko ji ' i sikunxin  
ra thi ndachrjan,  
ko sikon kain ni  
sachrjeninxin ra ko  
kain kuxiigo, ixin sakee  
kunchechana ngain thjui ko  
ji'i ruxraxaunxin ra thi ja'an

ndachrjan ngain  
chujni te nguui nunthe.»



«Are ja ' an sikian  
thjui ngata ' a  
nunthe,  
kunchechana  
tsununxin. Ko ja'an  
ruxraxa'on ixin thi ndachrjan  
ngajin ra ko ngain kuxiigo,

ko irukjan'a tsii chrin  
suji ixin suen ra.»




Binchenchaon Ndo  
Dio Noé ko kain xe ' en ko ndachro  
Ndo: «Dinthechunda ra tsjé  
chjan ko nchekauntja ra nunthe.»



Xe ' en Noé

binthegachrjexin ngain barco, mee  
kjui xan Sem, Cam ko Jafet. Ko  
Cam kjui ndudee Canaán. Kanio  
xe ' en Noé bachrjeninxin  
kainxin chujni te ngata ' a  
nunthe.



'Ndudana thjen  
ngajni anto thjue'e ndo kainxin chujni  
ngata'a nunthe, mexinxin bajon na ndo  
ja'an, thi nakuaxinxon Xe'en Ndo ixin  
kainxin chujni dithikaon na ja'an  
tsji'a n̄a ngain thi xru'i dang'a,  
ko rukjan n̄a inaa chujni  
narua thi xru'in  
ncha'on  
tsjexin.



### Romanos 3:23

ixin kain ná bintho ' o ná thi jian ' a, mexinxin ndakunkjínxin ná ngathexin kon Ndo Dio.

### Romanos 6:23

Thi chujni nche ' e thi jian ' a sacha n̄ tsji n̄ ngathe xru ' i.  
Aro thi juinthathuan ná Ndo Dio nthakjan ná inaa chujni narua ko xru ' in ncha ' on se ' en ná ko sunthe ná ngain Nchaa ná Jesucristo.

### Hebreos 9:27

Jañaa inchin kain chujni de ' en n̄ nakua nthi ' a,  
kuthimejan Ndo Dio sinche ' e jie ngain n̄,



## Efesios 2:8,9

Ixin thi anto thjua ' a ra Ndo Dio, ja ' a ra bitjaña ' a ra jie, je ' o ixin chunthia ra ngain ndo ko je ' a ixin runche ' e ra tsjé thi jian. Ji ' i ku ' en ixin thi binthathuan ná Ndo Dio.

Ko kuen ' a ji ' i ixin thi jian nche ' e chujni, mexinxin xru ' in chujni tsa ' in ñao.

## Romanos 10:9,10

Ja rundachro kunixin ru ' a ixin Jesucristo Nchaa ko ngain ansean sithikaon ixin Ndo Dio binchexechon Jesucristo ngayee ni ndadige ' en, jamee ja ' a rukjan inaa chujni narua. Ixin anseen ni dithikaunxin ni ixin Ndo Dio nchekjan ni jian chujni, aro ixin ru ' a ni rundachruxin ni ixin batsuan ni Jesucristo, ixin jaña rukjan ni inaa chujni narua.





San Juan 3:16,17 'Ndudana thjen ngajni anto thjue ' e ndo kainxin chujni ngata ' a nunthe, mexinxin bajon na ndo ja ' an, thi nakuaxinxon Xe ' en Ndo ixin kainxin chujni dithikaon na ja ' an tsji ' a na ngain thi xru ' i danga ' a, ko rukjan na inaa chujni narua thi xru ' in ncha ' on tsjexin. Ixin Ndo Dio ruan ' a na ndo ja ' an, thi Xe ' en ndo, ngata ' a nunthe ixin sinche ' e xan jie; Ndo Dio rua ' an na ja ' an ixin tsjengijna kainxin chujni ixin rukjan na inaa chujni narua.

1 Juan 5:11-13 Ko ji ' i thi ndua ndachro Ndo Dio: Je ' e ndo nthagechon na ko xru ' in ncha ' on se ' en na ko thi dinthechon ni, jii ngain Jesucristo. Chujni dithikaon Xe ' en Ndo Dio techon na ko xru ' in ncha ' on se ' en na; ko chujni dithikaon ' a Xe ' en ndo, techon ' a na ngathexin kon ndo. Ja ' an ji ' i kjin na ixin ja ' a ra xro dithikaon ra Jesucristo thi Xe ' en Ndo Dio ixin tsunu ' a ra ixin utechon ra ko xru ' in ncha ' on se ' en ra.



# Génesis 6 – 10

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: M. Maillot, Tammy S.

Popoloca, San Marcos Tlacoyalco Bible (pls) © 2017,  
Wycliffe Bible Translators, Inc. All rights reserved.

<https://live.bible.is/bible/PPSTBL/MAT/1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

